

## PANTUN KELUARGA

masak lemak dengan kelapa,  
kelapa dicari oleh sang kera;  
cintai ibu sayangi bapa,  
pasti hidup aman sejahtera.

buah naga masak merah,  
sedap dimakan oleh Bibah;  
dengan ibu bapa jagan marah-marah,  
takut di akhirat terima musibah.

daun pandan wangi baunya,  
boleh dibuat bunga rampai;  
tolong menolong sesama keluarga,  
hubungan erat ukhwah tercapai.

sorong papan tarik papan,  
buah keranji dalam perahu;  
apa diharap masa hadapan,  
doa keluarga pohon restu.

Engkar dayang Sultan pun murka,  
Menutup lubang di pohon kera,  
Kenapa sayang bermasam muka,  
Bisa abang menghapus lara.

Terbang debu di balik pepohon,  
Jatuh rebah askar upahan,  
Sayang ibu ingat pesanan,  
Sayang abah patuh arahan.

Negara dijajah beralih kitaran,  
Sabar menanti hadir purnama,  
Cantik wajah bukan ukuran,  
Indah pekerti syarat utama.

Rentak putera pendekar silam,  
Keris belia lincah dilayang,  
Hati gembira terhapus kelim,  
Jiwa mulia semua pun sayang.

Penat sungguh ke ladang anggur,  
Ladang terletak di seberang titi;  
Ayah menasihati ibu menegur,  
Itulah tanda kasih sejati.

Selasih tumbuh di tepi telaga,  
Selasih dimakan si anak kuda,  
Kasih ibu membawa ke syurga,  
Kasih saudara masa berada.

Terang bulan di malam sepi,  
Cahaya memancar kepangkal kelapa,  
Hidup di dunia buatlah bakti,  
Kepada ibu dan juga bapa.

Bintang tujuh sinar berseri,  
Bulan purnama datang menerpa,  
Ajaran ibu mesti ditaati,  
Mana yang dapat jangan dilupa.

Rusa betina berbelang kaki,  
Mati terkena jerat sembat,  
Orang yang muda kita sanjungi,  
Orang yang tua kita hormat.

Ayam jantan berkokok megah,  
Tandanya subuh telah tiba,  
Nasihat ibu jangan ditegah,  
Takut nanti musibah menimpa.

Pergi hutan mencari kayu api,  
Untuk dijual menyara keluarga,  
Hormat-menghormati amalan terpuji,  
Menjadi amalan sepanjang masa.

Padi menguning lahir kegembiraan,  
setelah semusim mengerah keringat,  
Pentingnya kerjasama dalam kumpulan,  
Kejayaan dicapai silaturrahim dierat.

Cantik kebaya dipandang mata,  
Sayang kainnya terkoyak ditepi,  
kasih ibu membawa ke syurga,  
Kasih ayah kekal abadi.

Amalan membaca amalan mulia  
Dituntut agama dan juga bangsa  
Insan membaca banyak ilmunya  
Bekalan hidup sepanjang masa.

Amalan membaca budaya mulia  
Ilmu bertambah amat berharga  
Hidup bahagia dengan membaca  
Jadikan membaca khazanah bangsa.

Bunga melur dalam jambangan,  
Di tepi kolam menjadi hiasan.  
Kucipta pantun buat renungan,  
Semarak Nilam empunya wawasan.

Mekar sejangkang bunga gubahan,  
Jatuh sekuntum di atas peti,  
Membaca itu suruhan Tuhan,  
Al-alaq diturun menjadi bukti.

Cerana kesumba indah melati,  
Cantik tersemat dambaan puteri,  
Ilmu ditimba sepenuh hati,  
Kekuatan umat minda bestari.

Harum sungguh bunga kemboja,  
Bunga karangan cantik tersemat,  
Janganlah membaca kulit sahaja,  
Telitilah kandungan sehingga tamat.

Mekar angkana pandang tak jemu,  
Bunganya luruh ke dalam raga,  
Buku laksana lautan ilmu,  
Dasarnya penuh mutiara berharga.

Daun nipah kajangnya rapat,  
Hidangan tetamu di Kuala Maran,  
Buku menyimpan berjuta maklumat,  
Fakta, ilmu, cereka hiburan.

Anak muda pulang ke desa,  
Ibu dan ayah lama menanti,  
Warga membaca tak buang masa,  
Khutub khatib teman sejati.

Pohon pedada di dalam taman,  
Jadi idaman si anak rusa,  
Marilah anakanda marilah teman,  
Kita membaca sepanjang masa.

Meniti senja biasan mentari,  
Merkah setitis menjelang kabut,  
Bacalah baca setiap hari,  
Tak akan habis ilmu dituntut.

Cantik sungguh si bunga kejora,  
Buat hiasan di hari raya,  
Marilah sahut seruan negara,  
Bangsa membaca bangsa berjaya.